

بعدها انسحبوا الكتائب وعملوا عملتهم السوداء المجرمة هادي في الملجأين ، دخل ناس كثير وشافوا اللي حصل للاهالي . انا بايدي عديت سبعين جثة مقتولة ومضروبة بالبلطات شو بدي اقول لك ؟ في من قرايينا لحالهم بس . من عيلة قدورة ، حوالي . شخص قتلوهم .

الحقيقة هادي الحادثة البشعة خلطنا نتشجع كثير ونعرف انو ما في النا اهل غير بالصمود ومهما كان الامر . احسن نموت بشرف ومعنوياتنا عالية . اخوي بعد هالحادثة ، وهو عمره ما حمل بارودة .. تمرن على السلاح في الملجأ وصار يقاتل مع اخوانه . امي تخانقت معه شوي في الاول . قالها : يما اذا ما قاتلتش اسا لادافع عنكو وعن اهلي واهل المخيم ايمتى راح اقاتل (؟
(فاطمة نرج سعيد ، حديث خاص . .)

لماذا قتلوا الياس الداموري ؟

التبعت عينا فاطمة ببريق من الحزن والالم والحقد ، وتابعت انسيابها :
« احنا زي ما خبرتك كنا ساكنين جنب جاليري متى . وكان في ناس جيراننا مسيحية يجيبوا لنا كل شيء .. طحين وحب وخبز ، قبل ما يهجموا الكتائب ويحاصروا المخيم . يحارم هذول الناس لما اجوا الكتائب قوصوا كثير منهم واخذوا الباقيين معهم .

وكمان قتلوا ناس لبنانية من اهل شحيم كانوا ساكنين جنبنا . وفي قصة واحد جارنا مسكين اسمه الياس الداموري ، لبناني من الدامور ، كان يجيب وينقل الجرحى لمستشفى الهلال الاحمر الفلسطيني ، كان بيتشغل على سيارة خالي ، مسكين كان خدم كثير يقدم حاله للخدمة دايمًا وينقل الجرحى ، كانوا الكتائب بيعتلوا كلام ويقولوا له : لازم توقف وتحارب معنا وتقوص على الفلسطينية . ما رضى . ولما اجو لهنالك على جاليري متى قوصوه وقتلوه .. لاقينا جثته قدام الجاليري ، بعدما قدروا يتسللوا ويهجموا على الملجأين اللي خبرتك عنهن . حرام مات الياس الداموري ، زعلنا عليه كثير .. لاقوه جنب بيتنا وراء الملجأ مقتول ومتكمش بمخدة من الخوف . منح اللي احنا هربنا قبل بيوم من المنطقة (منطقة جاليري متى) وطلعنا من الملجأ اللي قتلوا الناس فيه » .
(نفس المصدر السابق)

صمود الاهالي :

« عابشين في الملجأ ، ما منقدر نطلع لبرة من القذائف الا للضرورة الضروري . لا اكل ، ولا مي كافي ، لا ضوء ولا كهرباء .. على العتمة » .

(صفة نبطية ، حديث خاص . .)

« والله بدك للحقيقة يعني اكثر من هيك ما فئس صمود . شو في اكثر من هيك ؟ بالدقيقة الواحدة ٨ او ١٠ قذائف هذول اللي نعرف نعددهم واحنا في الملجأ .